

LAAMORDE HOOREEJO FASO

BIRON HOOREEJO LEYDI

BURKINA FASO
Maa Gusii maa Gasii, en Kawan

KONGOL BAANDO MEN
HOOREEJO LEYDI MEN
WAWTU UDDITINGOL ÑALAADE DE LEYDI
SUBANII TEDDINGOL BII-
LEYDIYANKAAKU E DARANAGOL LEYDI,
HITAANDE TATABERDE

Wagadugu, ñannde 26 lewru tataburdu 2026

Banndiraabe,

Ley oo wawtu udditingol tatabol ñalaade de leydi subanii teddingol bii-leydiyankaaku e daranagol leydi, mida kaajaa taykodon kibaaru hoynaado ammaa tedduro, kabodiido e suuraare : dum woni ko ñaameten.

En taykoo ko ñaameten dum. Dume nji'eten ? Wo maaro tayungo maayooji mawdi na ? Pompiteere yuururo leyde boddude ? Kosam conndi ittaadam leyde godde ? e kaake dee le ? Kaake, fursettuuji e girbe dee fuu wo ittaade leyde janane.

Banndiraabe,

Dawranegol wanaa ley dewte taariki maa jaaloregol ley dokkal kibaaruuji tan. ngol na ley ko ñaameten dūm du. Hooreejo laamu revolison mo lewru jeetataɓurdu hitaande 1983 na wi'annoo, gabbe maaro, kamanaari e gawri ndi ñaameten ndi, wo dūm woni dawranegol (emperiyalismu). Taa filee to woddi.

No bonnde nde foti sattirde wo nde beydorto heese heese ñannde fu. Nde na wodi ley gabbe maaro de itteten leyde janane dey tawee ndemri maaro men ley Bagre, Suuru, Samandeni na ñola saabu rafi coggu. Dawranegol ngol na wodi ley oo tomatti yuurudo Eropi, dey tawee ko demoobe men joogii na ronki coodoobe.

Taa filee gaño oo to woddi. o na naata ñannde fu laabi didi
maa tati ley ñaamdu men. Gaño wo jaagotoodo
cuudotoodo soodowa ñaamduuji ñaameteedi sanne dey na
yoppi gineeji e faggudu men. Laamu leydi na ada sardiji
teenjudi faa reena gineeji gadaadi ley leydi men « meed in
Burkina » dey so wanaa jamaa men e jaagotoobe men
ardina yidde leydi men faa butikaaji e alimantaasonji men
laatoo nokkuuje do gineeji gure men keewi.

Illa duubi capande, en kaɓɓaama, saabu sonnirgol en
gineeji maɓɓe dey ɓe libi di men, ndeen dawranoobe en
mbattiti mboowka ñaamdu men.

Be ngadu faa miiluden kee ko yuuwrata to woddi dum buri
woodude. Be ngadii faa dimuden kee gude Faso Dan Fani
« tiidu sanne », dey en na njarrii soodude saayo ittaaka

leydi jananndi faa ɓura coggu mum nde sappo. Be ngadii faa miiluden kee buuru alkama na tilsii, faa njeggitinden semmbe gawri muutiiri, mba'eeri, kamanaari, ñaamduuji kokkudi maamiraaɓe men semmbe. Be ngadii faa miiluden kee en talkaabe tawee leydi ndi njaabeten ndii na hebbini jawdi.

Wanndoore Burkina wi'i « ***suka jom hakkillo won coodoowo miisugu inna mum*** ». Ndelle en laatoo ɓee sukaaɓe kakkilanteeɓe, en laatoo Burkinabe, kooliibe ko'e men e njuduɓe leydi men faa ley ko ñaameten.

Banndiraabe teddube

Wawtu 6e marannoo hakkillooji men welloke ! Jamaanu
cemtiranno-dén gineeji men timmii !

Burkinanke keso mo ñaagoto-dén laato, wo cubiido
waylitirde mboowka e hakkilantaaku, wo kolludo sukaaɓe
mum darja hooreewa : tilsere teddunde banngal remugol
ko ñaameten e ñaamude ko remeten.

Tobɓere hoore batu darnanaande ðee ñalaade ðe leydi
subanii teddingol bii-leydiyankaaku e daranagol leydiest
hikkaaje wo wullitango hawritingol : « **heewtugol hoore
mum banngal ñaamdu e daranaade faggudu leydi : en
kawrita ndaranoden ndimaaku men banngal remugol
e ñaamugol ko ndemu-dén** ».

Dey kudftorgol ngol go'oto fu haani jogitaade wo « **ñaamdu am, hoolaare hoore am !** ». ndee tobbere batu na ngorgina en. Nde na ñaagoroo en faa kaɓden e maccungaaku men e ñaamdu jananndu. Kala lonngere ñaamdu gure men wo soppere dow kokuwol jaaloregol banngal faggudu.

Paggoden ko ñaameten, mbayliten ko ndemeten, dey ñaamen ko mbayliteten, nani laawol hemtugol ko'e men pay !

Banndiraabe teddube ,

Paamee ko golleeji mon minñata :

Nde coodu-don ñebbe men tuubaaku (ariko veer) fu, wanaa on ñaamnan yimbe mon tan, wo on paynan faggudu Burkina Faso. Nde boorni-don Faso Dan Fani fu, on boornaaki kaddule tan, wo ndimaaku canñoobe men cuuroton.

Soni on cuboke doosaare dow maazi ittaado leyde janane o’o fu, wanaa on ndefan tan, wo on mbulan talki jaagu maccungaaku.

Hannden, en udditan pudde habangol hoolaare ko’e men. Ley dee ñalaade de leydi subanii teddingol bii-

leydiyankaaku e daranagol leydi, en ekkitoto waylitinde ñaamduuji men.

Mida yidi tawee ley nokku golle laamu fu, ley lekkol fu, ley wuro fu, miccoden hebbinde kaake men ñaamdu ittaandu leydi men Burkina tan. « ñaamude ñaamdu wuro men » na haani miccee ñannde fu ley defirde men e wawtu ñaamdu men.

Yuuwde Libtaako yahade ndewgu Tannuñan, maaro calludi men e biɓɓe ledde li'eeji men na kaani jaaltaade. En ngada ñaamugol ñaamduuji gure men mboowka tedduka. En ngada wawtu ñaamugol men nokku haɓangol kental ko'e men

Banndiraabe am

Hamnde nde na haani sattude soni en kaaja heewtugol ko'e men fu ! En kawrondina luumooji men ! En njahara kosam marooƙe men, maaro calluɗi men, daabaaji jaaye men ! En ñiɓa luumo faggudu to demal leydi laamotoo dey gineeji yuwooji leyɗe laatoo ɗi ngalaa lunnde ! Battane leydi men ɗo moyɣintee : ley gese men , ley hoggooji e ley luumooji men.

jeyɓe cogguuji ley deende men, mido hokka on ngol goyngol : burnee demtirdi gure men. Soni on cuɓoke demtirdi men, on kaɓɗan e tiidorma nguurndam dey ñiɓon Burkina keewtudo hoorem e henuɗo.

Mido holla keddiibe na cikkitondira, huloobe ke ngol laawol na jogi tiidormaaji maa kee miilo amin haɓɓondiraay e adunaaru hawritindu hannde

Bee do, mido wi'abe : taa njoppe kaccam niwre kebal koyungal hiila on. Hoynugol nannugol gineeji law yo hiila mbonnoowo battane sukaabe men. Wo laawol ndimaaku men cubii.

Yo laawol tiidungol, ngoonga, ammaa yo ngol laawol tan woni laawol heewtugol hoorem. En miccitoo oo ngoonga : kokkoo-ma na a ñaama ñannde fu, kam holletee muyde mum. Hawjaade ko ñaameten yo heewtude kufe battane men e cellal men.

Mida miila woni tanñorbe kee en kebataa wune. Ibe miiloo kee tiidorma luumooji aduna liban ciinal men. Bee mboofii. En kulataa henneede sera, sabu wo en tewtan semmbe men halal. So mballaaji janani timmii fu, Burkina Faso dikkintaako. En ittan ley nokkuuje men daliliiji ummitagol.

Yo semmbe ndemoobe meeden e cuusal rewbe men
wuurini en ; dey tiidforma fu na holla hakkillo kawrital
men. Kala tiidforma ngarudo fu ummina Burkina keso :
nokku mballondiral, mo jaltataake e keewtudo hoorem.

Banndiraabe.

Wolde nde na woni yeeso men. Ndaare juude mon.
Daɓɓude maa hellande ko yuwi jananndi de ngadanaa na
? O'o ! Dee ngadanaakana remude, ñibude, waylitinde .

**Ndelle, kawriten saabe dee ñalaade de leydi subanii
teddingol bii-leydiyankaaku e daranagol leydi ko hitaande
2026, aden aadi !**

Ley ngesa, en tinnitoo !

Ley luumo, en cuɓo demtirdi men !

E ñaamdu, en kenira ko ñaameten !

Ko ñaameten laato kabitirgal men !

Kaakol men ñaamdu laatoo wullitaango hawrondinoowo
en !

Keewtal hoore men laato hoolaare hoorem !

Teddungal e remoobe e maroobe men !

Baawal yo rewbe men tinnitotoobe be !

Teddungal e ñeeñoobe men !

Maa Gusii, maa Gasii, en Kawan !

Kapiten Ibarahim TARAWOORE

Persidan di Faso, Hooreejo leydi